

Ukulangishiwa Kwa Matontonkanyo Yakwa Lesa

Yohane 1:1-3, “Mu kutendeka mwali Cebo, kabili Cebo ali pamo na Lesa, kabili Cebo ali ni Lesa.”

Icebo cali muli Lesa; Cena cali Lesa. Cena cali matontonkanyo Yakwe ayo ayali muli Wene lyonse. Amatontonkanyo yakwa Lesa yaba aya muyayaya ngefyo Lesa aba. Amen!

Ici caisa! **Amatontonkanyo yakwa Lesa yali Cebo Cakwe.** “*Mukutendeka...*” (Cilya ni mu muyayaya nomba, ilyo ukutendeka intanshi kwatendeke, inshita)... “*Mukutendeka mwali Cebo,...*” (Amatontonkanyo yakwa Lesa)... “*kabili ne Cebo cali pamo na Lesa, kabili Cebo ali ni Lesa.*” Mwamona? **Amatontonkanyo Yakwe efyo Wene ali.** Filya efyo na imwe mwaba. **Ifyo amatontonkanyo yenu yali efyo na imwe mwaba.** Te mulandu ifyo mwesha ukwikalila icintu cimbi, amatontonkanyo yenu efyo imwe mwaba. Imwe kuti muleikala no kucita kwati muli muntu musuma, lelo mu mutima wenu muli cilende, kabili fyonse ifyo cili, filya efyo imwe mwaba— amatontonkanyo yenu. Kabili amatontonkanyo yakwa Lesa yali Cebo Cakwe, yalya yali na Wene kabili muli Wene, kabili Cali ni Lesa. ^[1]

Kabili uwacetekela onse uyo uwisa kuli Kristu alingile ukwisa ku lupanda lumo lwine ulwakuikanya umwine, no

kufwa palya no Mwana wa mpaanga, no Mwana wa mpaanga wakwe. **Ukufwa ku matontonkanyo yenu**, ukufwa ku yenu mwe bene amatontonkanyo ya buntu. **Sendeni fye ifyo Mupashi wa Mushilo alesosa mu mutima wenu, lyena ikalileni Kristu!** [2]

Kabili nomba, “cebo” caba “itontonkanyo ukulangishiwa.” **Intanshi, cilingile ukuba itontonkanyo, kabili lyena cilesa mukuba icebo;** pa mulandu tamulanda Ifyebo fyenu ukwabula itontonkanyo.

Ilyo twalandila mundimi, ifwe tatukwata itontonkanyo (*1 Abena Korinti 14:13-14*); cena ni Lesa ukusenda amatontonkanyo; lyena litontonkanyo lyakwa Lesa ukubomfya imilomo yesu. Ifwe tatutontonkanya atemwa ukwishiba ifyo uulesosa ilyo ulelandila mu ndimi, nga kwena kulanda ukwaputwamo. Ilyo mwailula, imwe ta mwishiba ifyo mulesosa; imwe mulanda fye cena; epela fye. Mwamona? Ulya ni Lesa. Kabili ukusesema, imwe tamulebomfya amatontonkanyo yenu mwebene; ni Lesa (*1 Abena Korinti 14:1-3*), pantu mulasosa ifintu ifyo mubutuntulu teti mutontonkanyepo ukusosa. [3]

E ico, “Mu kutendeka mwali Cebo,” palya fye peka epo ifwe twinga bwekela, kuli Ici, ku masambililo ya fya bulesa. Lelo ilyo Icebo tacilati, Cena cali litontonkanyo, kabili itontonkanyo lyali lengelwe ukumoneka. Mulemona ico ndepilibula? Nomba, ulya e musango uo Ena asosele. **Intanshi, Ena atontonkenye, kabili Ena alandile Icebo, kabili Cebo caishilelangishiwa.** Owe, ifyo Lesa aba uwapwililika! Moneni, itontonkanyo ilili lyonse, ilyo lyalandwa.

Kabili Icebo conse muli Baibele caba Matontonkanyo yakwa Lesa ukubikwa mu musango wa mbuto, cilya nga capokelelwa mu muntunse, no kulandwa kwitontonkanyo limo line cilya cileta Baibele mu butuntulu, cilenga icintu ukufikilishiwa. Mwamona eco ndepilibula? Ifyo Lukuta Iwingaba ulwa maka? Baibele itila, “Leken i uyu mutima uwali muli Kristu ube muli imwe (*Abena Filipi 2:5*). **Nge fyo umuntu atontonkanya mu mutima wakwe, e fyo aba** (*Amapinda 23:7*).” Nomba, amatontonkanyo yenu, nga yena yalangishiwa...

Nge fi, Lesa atile, “Napabe calo” (*Ukutendeka 1:3-26*). Ilyo tacilaba icebo, calingile ukuba itontonkanyo. **E ico Lesa mu fyakulenga, alengele icalo kwi tontonkanyo Lyakwe intansi, elyo aishile landa cena, kabili itontonkanyo, ukulangishiwa Iyaishileba icakubomfya.** Mwamona ico ndepilibula?

Nomba, **nga ulyo Mupashi umo wine** uyo uwasosele, “Napabe Ulubuuto,” kabili kwaliko Ulubuuto, uyo uwasosele, “Napabe ifimuti,” kabili kwaliko ifimuti; kabili nga ulya wine umutima uwali muli Kristu **uuli muli imwe**, cipulemo ifyo mwingasosa, “Peba impwalonda,” kabili kuti yaya; “Leken amenso ya mpofu yesulwe,” kabili kuti caba ifyo fine. Mwamona? **Cena litontonkanyo lyenu.** Yesu atile, “Mucine...”

Mwatila, “Ulya ali ni Yesu.” Lelo loleleni pali miniti. Ena atile, “Kwateni icitetekelo muli Lesa. Pantu mucine, cine, ndetila kuli imwe, **nga mwasosa kuli ulu lupili**, “Sendwa, no kuposwa muli bemba, kabili ta mutwishike mu mutima wenu, lelo mwacetekela ukutla ifyo

mwasosa fikafikilishiwa, **mukakwata conse ico mwasosa.**" Bushe cilya cishinka? "Imwe mukakwata cena, te ine, imwe mukakwata cena." Ifyo yaba amaka ayo ayapelwa ku Lukuta...(Marko 11:22-23).

Nomba, imwe kuti mwalangisha cena kwi tontonkanyo lya buntu, **lelo nga caba ubusokololo ubutuntulu ubwa kwa Lesa, ukutila muli no kumona cena ilyo tacilacitika, no kulangisha cena mu musango wa Cebo, cilya cebo cilekatilila no kwisaba icakubomfya: itontonkanyo ukulangishiwa.** Owe, mwe, ifyo Lesa engacita...Mwamona? Ngo mutima wenu na mano yenu fili fyo, **no kwisushiwa no Mupashi wakwa Lesa, mpaka amatontokanyo yenu yaba amatontonkanyo Yakwe...Amen.** Mwacimone co. Ilyo amano yenu, **no kutungululwa kwenu, no butungulushi bwenu, fyaba incende iyalinga, atemwa ukuputwamo ukwalinga na Mupashi wa Mushilo uko ukuleensha ubuntu bwenu ubufwa...Owe, mwe.**

Bantu ba musangonshi tulingile ukuba? Ngo Mupashi wa Mushilo wine waikala mu mubili wenu atemwa uku mupela amaka, **ukutila ta mulebomfya amatontonkanyo yenu mwebene,** imwe tamubomfya amano yenu mwebene, imwe tamubomfya ilyano lyenu mwebene; lelo Mupashi wa Mushilo na mukula nganshi, **mpaka amatontonkanyo yenu no buntu bwenu cili Umupashi wakwa Lesa ukuilangisha Uwine muli imwe, lukuta lwa musango shani ifwe twingaba?**

Bantu ba musangonshi twingaba, muno lucelo, nga ino Branham Tarbenacle, muno lucelo, **twali abaisushiwa**

nganshi no Mulola wakwa Lesa, cinshi, ilyo imwe tamubomfesho na mano yenu mwebene, tamwa cibomfya na matontonkanyo yenu mwebene, tamwa cibomfya ne nshila yenu mwebene, lelo ukutungululwa fye na Mupashi...?

“Pantu bonse abatungululwa ku Mupashi wa kwa Lesa bena bana bakwa Lesa” (*Abena Roma 8:14*). **Lyena ilyo iciputulwa ca buntu cafumapo, kabili Umupashi wa kwa Lesa waisula ilye ncende, uko imwe muifumyapo mwebene mweka** (Ameni), lyena cili nokuba ilyo Lukuta mu Maka ya Lwena aya kubuka kwa kwa Shikulu Yesu, luli no kwenda mu tampulo Shakwe, mu Maka Yakwe, mu matontonkanyo Yakwe, mu Buntu Bwakwe, mu kwenda Kwakwe...Mulemona ico ndepilibula? **Lyena amatontonkanyo yenu yali nokuba ifyebo, kabili ifyebo fili no kuba ifyakubomfya.**

Ndecetekela luli munshila, **ukutila ilyo Lukuta lukaba ulwapombwa nganshi muli Kristu, Mupashi wa Mushilo, abantu abataluka nganshi ku bene beka, icakutila tabaimona abene beka, bena tabakwata amatontonkanyo kano ukubombela Lesa.** Kabili amatontonkanyo yabo yalaya pantanshi. Bena balakana ifintu ifya mwisonde. Bena benda fye mu Mupashi, ukwikala mu Mupashi, ukusela mu Mupashi, ukwendela mu Mupashi, e ico ukufikilisha amalango yakwa Kristu (*Abena Galatia 6:2; Abena Galatia 5:16, 25*). Lyena ukutemwa kwa kwa Kristu mu mutima wa muntu (*Abena Roma 5:5*), ukwendela mu Mupashi wa Mushilo, lulyo Lukuta ulukalamba ulwawama lukaya na maka na Bulesa;

pantu bulesa bukasokolwelwa mu bantunse ku Mupashi wa Mushilo ukuleta mu ku fikilishiwa itontonkanyo ya mano yabo.

Amatontonkanyo yesu yaba ayapusana. Inshita ishingi tuleenda, ukusosa “Ulishani, munyina?” Kabili iwe taulepilibula cena mu mutima obe. Inshita ishingi tulasosa, “Ndi ifi na filya. Ndi nokucita cilya.” Tamulepilibula cena mu mutima wenu. Mwamona? Nshilepilibula cena mu mutima wandi.

Lelo ilyo mwingaba **abafwa nganshi ku fintu fya mwisonde** (*Abena Kolose 3:1-3*), ukutula Kristu ali uwantanshi, Kristu e fyonse, lyena imipangilwe yenu yonse ya mupashi wakwa Shikulu Yesu Kristu, Ena nakwata ubutungulushi bonse. **Lilya e lintu amatontonkanyo yenu yakaba ayasambwa. Amatontonkanyo yenu yakaba aya sanguluka.**

Abantu abengi batila, “Cisuma, bukapepa bufumina mu mutima wenu.” Tamwaba ifya ku tontonkanishamo muli cilya icilundwa icinono icitwa “umutima.” Imwe teti mutontonkanye no mutima wenu. Baibele iitila, “Ngefyo umuntu atontonkanya mu mutima wakwe, efyo ena aba.” Imwe teti mutontonkanye no mutima wenu. Imwe teti mucite, pa mulandu tamwaba nangu cimo ca mano mulya ukutontonkanishako. **Yesu talelanda pa buntu bwa mubili; Ena alelanda pa cibumbwa icakupapusha.**

“Ngefyo umuntu atontonkanya...” **cilingile ukuba itontonkanyo ilyo tacilaba icebo.** Kabili icebo ukulangishiwa, cilamonekela. Ndecetekela mu mutima wandi ukutula ndi Mwinakristu, pa mulandu nalisumina

Shikulu Yesu Kristu; nga nshilelila, nga nshilesela, nga nshilecita akantu. Mu mutima wandi intanshi, nalicetekela ukutla Kristu afwilile ine mu cifulo candi. Amen. Ndesumina cena ngo Mwinakristu; ndecetekela cena ngo Mwinakristu; **lyena cili mu mutima wandi.** Lyena ndalangisha cena mu cebo, “Ine ndi Mwinakristu.” Alleluya. Lyena ndatendeka ukwenda ngo Mwinakristu, ukulanda ngo Umwinakristu, ukwikala ngo Mwinakristu, ukuba ngo Mwinakristu. Kabili ku fisabo fyandi naliishibikwa ne sonde ngo Mwinakristu. Alleluya.

Ifwe tuli Benakristu ku citetekelo. Ukupitila mu kusenamina kwa kwa Lesa, ifwe tuli Benakristu (*Abena Efese 2:8-9*). Mwamona? Lesa mu kusenamina kwa Kwe ukwa muyayaya, atwitile ukuwikishiwa kuli Wene ukupitila mu Mwana Wakwe, Kristu Yesu (*11 Abena Korinti 5:18-19*). Cilepwishwa cena. **Te filya ifyo twacita, ni filya ifyo Ena acitile;** ena apilibwile umweo wandi ukufuma ku fintu fya mwi sonde ukwisa ku fintu fyakwa Lesa, ukufuma ku mangalo yabakabalwe, kabili no kuteya njuga, no bucende, no kubepa ubufi, no kwiba. Ena apilibwile umweo wandi, apilibwile amatontonkanyo yandi; kabili **lyena amatontonkanyo yandi yaishileba ayatuntulu nganshi mpaka yaishileba ifyebo mu milomo yandi; kabili yena yalangishiwa, kabili nomba ndi Mwinakristu.** Canengele ine ukuba umuntu uwaibela. Cilya ecalengele imwe. Mwamona?

Ilyo Lesa alanda icintu icili conse, cilingile ukucitika; **pantu cena matontonkanyo Yakwe intanshi, lyena Icebo Cakwe cilalangishiwa.** Te mulandu ifyo ciisa nangu

ukuya, cilingile ukucitika. Owe, bushe kuti mwamona ukupwililika ukwa Cebo? Owe, mwe. [4]

E ico nga mwalanda icintu cimo elyo nokutontonkanya cimbi, mulingile mwaleka cilya. **Bikeni amatontonkanyo yenu pali Lesa.** Yasungeni ayasanguluka, kabili ikaleni palya pene na yena, **kabili landeni icintu cimo cine inshita fye yonse.** Mwamona? Mwilasosa, “Cisuma, ndi nokusosa ukutla ndi nokucetekela cena; lelo ndi nokuya sanga.” Imwe cetekeleni cena. Amen. [5]

Umwakumona:

[1] “Amano Ukucimfyanya Ne Citetekelo” (62-0401), pg. 27

[2] “Kristu” (55-0221), par. E-17

[3] “Ishintililo” (62-1230M), pg. 10-11

[4] “Icebo Caishileba Ubuntunse, Ilyashi Lyabulendo Bwa ku India” (54-1003M), par. 173-187, 213, 216, 230

[5] “Icikakatikilo ca Ntanshi” (63-0318), par. 117, pg. 134